

**CYFARFOD COMISIWN FFINIAU LLYWODRAETH LEOL I GYMRU A GYNHALIWDYD
AR 11 CHWEFROR 2009 YN NHŶ CARADOG, CAERDYDD.**

Comisiynwyr

Mr P J Wood (Cadeirydd)
Y Parch. H M Davies (Dirprwy Gadeirydd)
Mr J Bader (Aelod)

Ysgrifenyddiaeth

Mr. E H Lewis (Ysgrifennydd)
Mr. S Halsall
Mr. D Carr
Mrs. L Brough

1. DATGANIAD BUDDIANNAU

1.1 Ni ddatganwyd unrhyw fuddiannau newydd.

2. COFNODION CYFARFOD Y COMISIWN A GYNHALIWDYD AR 13 IONAWR 2009

2.1 Cytunwyd ar y rhain.

3. MATERION YN CODI

Un Llais Cymru (OVW)

3.1 Dywedodd yr Ysgrifennydd ei fod wedi mynychu cyfarfod Pwyllgor Cynghorau Lleol Mwy o Faint OVW a rhoddodd gyflwyniad ar etholiadau cynghorau cymunedol a'r arolwg etholiadol sydd ar ddod.

Arolwg Ffin Merthyr Tudful Powys

3.2 Anfonwyd llythyr at yr Isadran Noddi yn amlinellu'r ddau opsiwn o ran datrys mater ffiniau siroedd wedi'u cadw fel y'u cytunwyd yn y cyfarfod diwethaf. Derbyniwyd ymateb gan yr Isadran Noddi yn gofyn am ragor o fanylion gan yr Ysgrifenyddiaeth er mwyn pennu cwmpas unrhyw arolwg pellach. Darparwyd y manylion hyn i'r Isadran Noddi ac mae'r Comisiwn yn awr yn aros am ymateb pellach ganddynt mewn perthynas â hyn.

3.3 Cadarnhawyd yr atgyfnerthwyd gweithdrefnau'r Arolwg bellach a'u hychwanegu at y cofnod risgiau.

Adborth o'r Gweithdy

3.4 Dywedodd yr Ysgrifennydd ei fod wedi edrych ar y posibilrwydd o'r Comisiwn yn cael stonidin yng nghynadleddau blynyddol Cymdeithas Llywodraeth Leol Cymru ac OVW ac mae'n debyg y byddai cost i'w thalu. Ystyriodd y Comisiwn pe byddent yn mynd i fod yn bresennol yn y cynadleddau hyn y byddai'n ddymunol cynhyrchu taflen wybodaeth ar y Comisiwn yn Gymraeg a Saesneg Clir.

Cylchlythyr y Comisiwn

- 3.5 Ystyriodd y Comisiwn y cylchlythyr drafft. **Cytunwyd** y byddai gan yr Aelodau 24 awr i ystyried y cynnwys ac i anfon unrhyw sylwadau sydd ganddynt at yr Ysgrifennydd. **Cytunwyd** os na dderbyniwyd unrhyw sylwadau y byddai'r Ysgrifennydd yn trefnu i'r cylchlythyr gael ei gyfieithu a'i ddosbarthu i'r prif gynghorau ac i'r cynghorau cymunedol. Cytunwyd y câi'r cylchlythyr ei anfon drwy'r e-bost at y Rheolwr Gwasanaethau Etholiadol ar gyfer pob prif gyngor gyda'r cyfarwyddyd y dylid anfon copiâu electronig at bob aelod o'r cyngor. **Cytunwyd** y câi 5 copi caled o'r cylchlythyr eu hanfon at y cynghorau cymunedol i'w dosbarthu ymhlith yr aelodau. Câi'r trefniant hwn ei adolygu i sicrhau bod y nifer cywir o gopiâu'n cael eu hanfon.

Cynllun Cyhoeddi

- 3.6 Roedd yr Ysgrifennydd wedi ysgrifennu at yr Isadran Noddi mewn perthynas â goblygiadau'r cynllun cyhoeddi newydd. Penderfynwyd nad oedd yr effaith o roi'r cynllun newydd ar waith mor sylweddol ag y credwyd ar y dechrau. Roedd yn bosibl felly i'r Comisiwn ddilyn arweinyddiaeth Cynulliad Cymru i raddau helaeth. **Cytunwyd** y câi papur adroddiad cynnydd ei roi ar yr agenda ar gyfer y cyfarfod nesaf.

4. AROLWG CYMUNEDOL PEN-Y-BONT AR OGWR – ADRODDIAD TERFYNOL

- 4.1 Dywedodd yr Ysgrifennydd wrth yr Aelodau am gais gan Gyngor Bwrdeistref Sirol Pen-y-bont ar Ogwr i gyflwyno cynrychiolaeth hwyr. **Cytunwyd** y byddai'r Comisiwn yn gwrthod cais y Cyngor ar y sail ei fod wedi ei gyflwyno dipyn o amser ar ôl y dyddiad cau ar gyfer cynrychiolaethau ac ni roddwyd unrhyw resymau cryf o ran paham na wnaed y cynrychiolaethau yn gynharach.
- 4.2 Roedd y Comisiwn yn ystyried nad oedd y Crynodeb Gweithredol yn yr adroddiad yn Grynoded Gweithredol go iawn. **Cytunwyd** y câi ei newid i 'Grynoded o Gynigion' ar gyfer pob adroddiad yn y dyfodol.
- 4.3 **Cytunwyd** ar adroddiad y Cynigion Terfynol ar gyfer Arolwg Cymunedol Pen-y-bont ar Ogwr yn amodol ar gyngor cyfreithiol a diwygiadau bach.

5. AROLWG CYMUNEDOL CAERFFILI – YSTYRIED CYNRYCHIOLAETHAU DRAFFT

Penmaen / Crymlyn

- 5.1 Bu'r Comisiwn yn ystyried y cynrychiolaethau gan Gyngor Bwrdeistref Sirol Caerffili yn cefnogi ailalinio awgrymedig y ffin rhwng Cymunedau Crymlyn a Phenmaen yn cynnig y dylid trosglwyddo'r datblygiad ar safle Parc Bevin o Grymlyn i Benmaen. Bu iddynt dderbyn rhesymeg y Cyngor y byddai'r datblygiad yn ymestyn ymhellach i'r gorllewin i mewn i Benmaen ac felly'n creu anghysondeb yn y ffin bresennol.
- 5.2 Nododd y Comisiwn hefyd y gynrychiolaeth a dderbynwyd gan Mr. R G Evans yn awgrymu y dylid trosglwyddo Croes-pen-maen i gyd gan gynnwys datblygiad Parc

Bevin o Gymuned Crymlyn i Gymuned Penmaen. Adroddwyd bod ymweliad â safle ardal Croes-pen-maen wedi dangos nad oedd y ffin awgrymedig wedi'i diffinio'n glir ym mhob ardal, er i Mr Evans awgrymu yn ei gynrychiolaeth ef y dylai fod yn bosibl dod o hyd i ddewisiadau eraill ar gyfer yr ardaloedd hynny. Yr oedd y Comisiwn yn ystyried bod yn well ganddynt ffin Cyngor Bwrdeistref Sirol Caerffili gan nad oedd unrhyw ffin a oedd wedi'i diffinio'n glir ar y tir ar gyfer y cynnig arall sef trosglwyddo Croes-pen-maen i gyd i Gymuned Penmaen.

- 5.3 **Cytunwyd** y byddai'r Comisiwn yn mabwysiadu ffin awgrymedig Cyngor Bwrdeistref Sirol Caerffili ar gyfer ei gynigion Terfynol.

Penmaen / Y Coed Duon / Pontllan-fraith

- 5.4 Bu'r Comisiwn yn ystyried y cynrychiolaethau gan Gyngor Bwrdeistref Sirol Caerffili a Chyngor Tref Y Coed Duon a oedd yn wrthwynebus i gynnig y Comisiwn i drosglwyddo Woodfieldside o Gymuned Penmaen i Gymuned Y Coed Duon. Nododd y Comisiwn y pwyntiau a wnaed yng nghynrychiolaethau'r ddau Gyngor bod Afon Sirhywi wedi bod yn ffin hanesyddol hirsefydlog rhwng y ddwy Gymuned ac nad oedd cysylltiadau'r ffyrdd rhwng Woodfieldside a'r Coed Duon mor gryf â'r rhai gyda Phenmaen. Nodwyd hefyd y llwyth gwaith ychwanegol y byddai newid o'r fath yn ei roi ar Gynghorwyr Cymunedol Y Coed Duon.

- 5.5 Ystyriodd y Comisiwn gynrychioliad Mr R G Evans a ddywedodd fod Woodfieldside yn rhan fwy rhesymegol o Bontllan-fraith ond na ddylid newid y ffin bresennol os nad oedd Cymuned Penmaen yn ennill ardaloedd ac etholwyr fel canlyniad i gynigion eraill a oedd yn cynnwys Cymunedau Crymlyn ac Argoed.

- 5.6 **Cytunwyd** na fyddai'r Comisiwn yn cadw ei gynnig drafft i ailalinio'r ffin rhwng Cymunedau Penmaen, Y Coed Duon a Phontllan-fraith ac y câi'r ffin bresennol ei chadw rhwng Penmaen a'r Coed Duon sef Afon Sirhywi ar gyfer y Cynigion Terfynol.

Maesycwmer / Pontllan-fraith

- 5.7 Nododd y Comisiwn y cynrychiolaethau gan Gyngor Bwrdeistref Sirol Caerffili a'r ffaith bod Y Cynghorydd Woodyatt yn wrthwynebus i'r ailalinio arfaethedig o'r ffin rhwng Pontllan-fraith a Maesycwmer i drosglwyddo 5 eiddo i Dde'r A472 o Faesycwmer i Bontllan-fraith. **Cytunwyd** y byddai'r Comisiwn yn ysgrifennu at breswylwyr y 5 eiddo i geisio eu barn.

Tref Caerffili

- 5.8 Nododd y Comisiwn y gynrychiolaeth ar gyfer Cyngor Tref Caerffili yn cefnogi'r holl newidiadau arfaethedig i ffiniau eu Cymuned. **Cytunwyd** y byddai'r Comisiwn yn mabwysiadu eu cynigion drafft mewn perthynas â Chymuned Tref Caerffili fel eu cynigion terfynol.

Llanbradach a Phwll-y-Pant / Penyrheol Trecenydd ac Energlyn

- 5.9 Nododd y Comisiwn y gynrychioliad gan Gyngor Cymunedol Llanbradach a Phwll-y-Pant yn gwrthwynebu'r cynnig i drosglwyddo'r rhan o ystad Energlyn sydd ar hyn o bryd yn eu Cymuned i Gymuned Penyrheol Trecenydd ac Energlyn. Roedd y Cyngor hefyd wedi'u siomi nad oedd y Comisiwn wedi cefnogi'r ailalinio awgrymedig i'r ffin a fyddai yn eu barn nhw yn datrys yr anghysondeb presennol gyda'r effaith leiaf posibl ar eu Cymuned. Roedd y Comisiwn yn ystyried bod y cynnig drafft yn well na'r ffiniau awgrymedig a roddwyd gerbron gan Lanbradach a Phwll-y Pant gan ei fod yn gliriach ac yn uno'r ardal adeiledig. **Cytunwyd** y câi'r newidiadau a gynigwyd yn yr adroddiad cynigion Drafft eu mabwysiadu ar gyfer yr adroddiad Cynigion Terfynol.

Maesycwmer / Llanbradach a Phwll-y-Pant

- 5.10 Nododd y Comisiwn y gynrychiolaeth a wnaed gan Y Cyng. Woodyatt yn gwrthwynebu'r ailalinio arfaethedig o'r ffin rhwng Maesycwmer a Llanbradach a Phwll-y-pant oherwydd Afon Rhymni oedd y ffin hanesyddol erioed ac nid oedd rheswm rhesymegol dros ei newid. Roedd y Comisiwn yn ystyried gan nad effeithiwyd ar ddim etholwyr gan y newid arfaethedig i'r ffin dylid cadw'r ffin bresennol sef Afon Rhymni.

Penmaen / Argoed

- 5.11 Nododd y Comisiwn y gynrychiolaeth a wnaed gan Y Cyng. Evans y câi Manmoel ei throsglwyddo o Gymuned Argoed i Gymuned Penmaen. Roedden nhw'n ystyried bod yr ardal dan sylw'n rhy fawr a byddai'n gadael Cymuned Argoed yn rhy fach i fod yn ymarferol. **Cytunwyd** y câi'r ffin bresennol rhwng cymunedau Penmaen ac Argoed ei chadw.

Gelligaer

- 5.12 Nododd y Comisiwn y gynrychiolaeth a wnaed gan Gyngor Cymunedol Gelligaer y câi'r ffin rhwng Wardiau Cefn Hengoed a Thir-y-berth ei hailalinio i drosglwyddo'r datblygiad tai yn Fferm Glan Rhymney i ward Tir-y-berth. Ni allai'r Comisiwn wneud unrhyw newid i'r ffin hon, fodd bynnag, gan nad oeddent yn gwneud cynigion ar gyfer ffin Gymunedol Gelligaer.

6. AMSERLEN AROLYGON ETHOLIADOL.

- 6.1 Nodwyd bod yr amserlen arfaethedig yn amodol ar gwblhau arolygon y Cyngorau Cymunedol. Adroddodd yr Ysgrifennydd ei fod wedi gwneud cyflwyniad i'r Grŵp Arolygon Etholiadol yn amlinellu'r problemau posibl o ran amserlen yr Arolygon Etholiadol.
- 6.2 Adroddwyd y byddai cam cychwynnol o'r gyfran gyntaf o arolygon yn dechrau ddiwedd mis Chwefror a dechrau mis Mawrth ac y cafodd y cyfarfodydd cychwynnol gyda'r Prif Weithredwyr eu trefnu i gyd-fynd â'r dyddiadau hyn.
- 6.3 Mynegodd y Comisiwn bryder am yr oedi posibl a fyddai'n cael effaith gynyddol ar amserlen yr arolygon. Roedd y rhain yn cynnwys:

- Arolygon Cymunedol sy'n cael eu cynnal ar hyn o bryd gan Brif Awdurdodau lle nad oedd yr adroddiad cynigion terfynol wedi'i gyflwyno i'r Comisiwn;
- y posibilrwydd o Arolygon Etholiadol cyflawn yn cael eu dychwelyd at y Comisiwn gan y Gweinidog i gael eu hadolygu ymhellach; a
- phrydlondeb LLCC wrth wneud penderfyniad ar gynigion y Comisiwn a dosbarthu'r Gorchmynion.

6.4 **Cytunwyd** y câi llythyr at y Gweinidog ei ddrafftio yn tynnu ei sylw at y ffaith bod yr amserlen yn gyfyngedig ac ond yn ymarferol os:

- y câi Arolygon Cymunedol sy'n cael eu cynnal ar hyn o bryd eu cyflwyno i'r Comisiwn yn fuan;
- na chaiff cynigion terfynol Arolygon Etholiadol eu dychwelyd at y Comisiwn i'w hadolygu ymhellach; a
- bydd Penderfyniadau a Gorchmynion ynglŷn ag adroddiad cynigion terfynol y Comisiwn yn brydlon.

6.5 Ystyriodd y Comisiynwyr y goblygiadau o or-redeg yr amserlen ar gyfer cwblhau'r arolygon a roddwyd yn y Cyfarwyddiadau. Efallai bydd yn bosibl ceisio am gyfarwyddyd pellach i'r Gweinidog ymestyn y dyddiad cau presennol. **Cytunwyd** y câi cyngor cyfreithiol ei geisio ar y mater hwn.

6.6 Ystyriodd y Comisiwn y dylai'r arolwg fod yn anelu at edrych ar gael cydraddoldeb o ran y nifer o etholwyr o'i gymharu â nifer y cynghorwyr fel blaenoriaeth gyntaf ac wedyn ystyried ceisio mynd mor agos â phosibl at y gymhareb o 1:1750. **Cytunwyd** y câi diweddariad ar y sefyllfa o ran amserlenni ei roi ar yr agenda nes i'r Arolygon Etholiadol gael eu cwblhau.

7. CYNLLUN GWEITHREDOL DRAFFT

7.1 Dywedodd yr Ysgrifennydd fod y Cynllun Gweithredol yn wahanol i rai'r blynyddoedd blaenorol am ei fod yn cymryd i ystyriaeth argymhelliad Swyddfa Archwilio Cymru y dylai Cynllun Gweithredol y Comisiwn ganolbwyntio ar ofnyion y dyfodol yn hytrach nag ar waith a wnaed yn y blynyddoedd blaenorol. Nodwyd na ellid terfynu'r cylch cynllunio nes i'r Comisiwn dderbyn y llythyr cylch gorchwyl gan yr Isadran Noddi. Dylai'r Comisiwn dderbyn y llythyr cylch gorchwyl fis Ionawr; felly byddai'n ddefnyddiol pe gallai'r Comisiwn dderbyn amlinelliad o'r llythyr cylch gorchwyl yn ystod yr hydref cyn ei gyhoeddi. **Cytunwyd** y byddai'r Ysgrifennydd yn cysylltu â'r Isadran Noddi i drafod y mater.

7.2 Nodwyd bod angen gwneud rhywfaint o newidiadau ac addasiadau i'r Cynllun Gweithredol. **Cytunwyd** ar y Cynllun Gweithredol yn amodol ar addasiadau awgrymedig yr Aelodau.

8. CYNNYDD O RAN RHOI ADRODDIAD SWYDDFA ARCHWILIO CYMRU AR WAITH

- 8.1 Nododd yr aelodau'r cynnydd a wnaed ar Adroddiad Swyddfa Archwilio Cymru ar y Comisiwn.

9. PWYLLGOR SAFONAU MEWN BYWYD CYHOEDDUS: GALW AM DYSTIOLAETH AM ARWEINYDDIAETH LEOL A HYDER Y CYHOEDD

- 9.1 Nododd y Comisiwn yr adroddiad ac roeddent o'r farn nad oedd ganddynt unrhyw dystiolaeth i'w chyflwyno a fyddai'n berthnasol i gylch gorchwyl yr adroddiad.

10. CYNLLUN STRATEGOL

- 10.1 Barn y Comisiwn oedd, gan nad oedd gallu mewnol i lunio Cynllun Strategol, byddai'n rhaid cyflogi ymgynghorydd. **Cytunwyd** i ddod o hyd i ymgynghorydd addas i ddrafftio Cynllun Strategol am gost i'r Comisiwn nad yw'n fwy na £2,500.

11. ADRODDIAD CYLLID 2008/09.

- 11.1 Nododd y Comisiwn y sefyllfa bresennol a'r tanwariant amcangyfredig. Adroddwyd bod y costau ar gyfer trawsnewid TG yn anhysbys o hyd ac felly defnyddiwyd amcangyfrif. Roedd y costau hyn yn debygol o fod yn sylweddol a byddai angen sicrhau beth oeddent cyn diwedd y flwyddyn ariannol. Ystyriwyd efallai byddai'n bosibl i'r Comisiwn wneud taliad ar gyfrif i Gynulliad Cymru a chât hyn ei ymchwilio. **Cytunwyd** i godi mater costau trawsnewid gyda'r Isadran Noddi.

12. UNRHYW FATER ARALL

Fframwaith Asesu Caffael Cynaliadwy y Sector Cyhoeddus

- 12.1 Dywedwyd wrth y Comisiwn am y cynnydd a wnaed ar Fframwaith Asesu Caffael Cynaliadwy y Sector Cyhoeddus. Nododd y Comisiwn ei fod wedi gwneud cynnydd mewn rhai meysydd, ond mewn meysydd eraill cafodd y lefelau eu haddasu am i lawr oherwydd camddealltwriaeth o ran y broses o gael mynediad at ein lefelau. Nododd y Comisiwn hefyd y câi'r cynllun gweithredu ei anfon at Gwerth Cymru erbyn diwedd mis Chwefror 2009.

Arolwg Llywodraethu CNLCau

- 12.2 Nododd y Comisiwn y papur a ysgrifennwyd ar yr arolwg hwn.

13. DYDDIAD Y CYFARFOD NESAF

- 13.1 Pennwyd dyddiadau'r cyfarfod nesaf fel a ganlyn:

18 Mawrth 2009
12 Mai 2009
17 Mehefin 2009

Lgbc2m/2009

15 Gorffennaf 2009

17 Medi 2009